

*Pagtulon-an 17 -- Nakita Sa Mga  
Manalagna Ang Duha Ka Bukid*

*(1 Mga Hari—Malaquias)*

**KATUYOAN:** Sa paghatag ug kalainan sa mga kamatuoran nga gipanagna ug sa wala ipanagna nga kamatuoran.

Karon magapanaw kita ngadto sa halayo diha sa DALAN SA SAAD. Atong malantaw diha sa unahan ang duha ka bukid.

Sa atong miagi nga pagtulon-an nagapanaw kita diha sa PANAHOON SA PAGKABIHAG sa nasud Israel. Atong nakita gi-  
gila sa pagsalikway sa mga katawohan ang Dios ug nanagsimba sa mga diyos-diyos. Ug ilalum niining panahona gitawag sa Dios ang mga manalagna nga maoy nagpahimangno sa mga katawohan ug magalipay ug magalig-on usab sa mga matinumanon sa pagpaabut sa gisaad nga Hari ug Manluluwas.

Apan adunay usa ka butang nga lisud masabtan sa mga manalagna. Kini gihisgutan ni apostol Pedro nga nag-ingon, "Ang mga profeta nga nagtagna mahitungod sa grasya nga igahatag kaninyo... kini sila nangita ug nagpakisusi mahitungod niining maong... asan; ilang gisusi kinsang tawhana o unsang panahona ang gipalut sa Espiritu ni Cristo nga diha kanila sa ilang pagtagna sa mga pag-antus ni Cristo ug sa himaya nga modason niini," 1 Pedro 1:10,11. Dili nila masabtan unsaon niining gisaad nga hari mahimong bantugan nga hari ug mahimo usab nga mapaubsanon ug mainantuson nga sulogoon. Dinhi sa atong dibuho atong gihulagwayan ang mga pag-antus ni Cristo ug sa himaya nga modason niini pinaagi niining duha ka bukid: ang BUKID SA KALBARYO ug BUKID SA GINGHARIAN.

Ablihan nato ang atong Bibliya ug basahon ang mga butang nga gipanagna sa mga profeta. Dayon isipon ang atong kaugalingon nga kita nagalantaw nianang duha ka bukid. Samtang imong paga-

basahon ang pipila ka mga gipanagna ikaw ang maghukom asa niining mga bukira motukma ang mga panagna.

Gibudhian	Zac. 11:12,13
Apdo ug suka	Salmo 69:21
Gibugalbugalan	Salmo 22:7,8
Gipalagbasan ang akong mga tiil	Salmo 22:16
Gihampak diha sa aping	Miqueas 5:1
Gipakaulawan ug gilud-an	Isaias 50:6
Kamatayon ug lubnganan	Isaias 53:9
Nag-antus tungod kanato	Isaias 53:4-6
Giisip uban sa mga malapason	Isaias 53:12
Gibutang sa lubnganan	Isaias 53:9
Moabut uban sa dakung himaya	Daniel 7:13
Dominio ug Ginghamian	Daniel 7:14
Ginghamian nga walay katapusan	Daniel 7:14
Kaliwat ni David	1 Cronicas 17:11
Ang tanan magasimba Kaniya	Salmo 22:29
Magahukom sa kanasuran	Salmo 2:4-5
Magahari sa Sion	Salmo 2:6-8
Kahibulongan; Magtatambag	Isaias 9:6,7
Magahukom sa kaalam	Isaias 11:1-4
Nabanhaw gikan sa lubnganan	Salmo 16:10

Nahunahunaan ba nimo nga kining mao nga mga kalainan lisud kaayo masabtan sa mga manalagna? Wala sila mahibalo ug makakita sama sa atong nakita ug nahibaloan karon. Aduna nay duha ka libo (2000) ka tuig gikan sa BUKID SA KALBARYO ug wala nato mahibaloi kon pila pa ka tuig ang molaba moabut kanang BUKID SA GINGHARIAN, tungod kay gipangita sa Ginoo ang tinago nga gitipigan sa hilom, diha Kaniya, sa tag-as nga mga katuigan nga wala mahibaloi sa mga manalagna. Ang mga manalagna wala masayud nga ang nasud Israel mosalikway sa ila nga Hari ug pinaagi niini ang Dios magahiklin sa nasud Israel ug magaabli sa pultahan sa pagtoo alang sa mga Gentil. Ang panahon sa grasya nga gitawag (LANDIGANAN SA GRASYA) maoy usa ka tinago, nga wala ipadayag ngadto sa mga manalagna, kay gitipigan sa hilom sulod sa tag-as nga mga katuigan, Efeso 3:9; Roma 16:25. Ang gisalikway nga hari mobalik pag-usab sa kalibutan apas sa dili pa moabut ang ikaduha Niya nga pagbalik, ang mga magto-

too nga mga sakup sa Lawas ni Cristo nga nangaluwas tungod sa grasya, pinaagi sa pagtoo makasakay sa SAKYANAN SA MGA LUWAS ug mosugat pag-una sa Ginoo diha sa kapanganuran ug human nini mobalik si Cristo aron sa paghari sa Jerusalem, 1 Tesalónica 4:13-17.

Atong mabasa sa 1 Pedro 1:10-11 nga ang mga manalagna nagpakisusi mahitungod niining mga butanga. Mao usab kini ang gitinguha sa Dios nga maoy atong pagabuhaton kon malisud nato masabtan ang mga butang nga gihisgutan sa Iyang Pulong. Si Apostol Pablo naghigut mahitungod sa mga taga Berea kay sila adlaw adlaw nagtuon sa Kasulatan, Mga Buhat 17:11.

Sa katapusan, ang mga manalagna miundang sa pagpanagna ug ang Dios usab nagpakahilom. Apan dihay pipila ka mga masinugtanon nga nanagtipig sa Daang Kasulatan ug nga samtang sila nagpakisusi, sila naglaum ug naghulat sa pag-abut sa ilang Hari (Cristo). ANG DALAN SA GINGHARIAN naglikoliko, gikalimtan ug gipasagdan sa Dios. Daw dili na matuman ang maong gisaad tungod sa sala nga maoy naglimis sa kalibutan niadtong adlaw. Ug sa sunod nato nga pagtulon-an imong mahibaloan nga sa kalit may tingog nga maoy nagbuak sa kahilom.

Imo bang gisusi ang Kasulatan sa matag adlaw? Kon wala kinahanglan imo na nga sugdan karon. Diha lamang sa Kasulatan atong makaplagan ang kamatuoran ug mga saad sa Dios nga gihatag kanato. Inhi lamang sa Kasulatan atong makaplagan ang pagtambag ug pagmando ngadto sa matarung nga kinabuhi.

SAG-JLOHON: "Ug kining mga Judioa mabuot pa kay sa mga Judio didto sa Tesalónica, kay kini sila midawat man sa pulong uban sa bug-ós nga pagkamasibuton, nga sa adlaw-adlaw nanagtoon sa Kasulatan, sa pagsusi kon tinuod ba gayud ang mga butang nga gisulti kanila," Mga Buhat 17:11.

### *Pagtulon-an 17 - Pagatubagon*

Sumala sa 1 Pedro 1:10,11 ang mga manalagna naghigut sa duha ka butang mahitungod sa gipasabut sa Espiritu ni Cristo nga diha kanila sa ilang pagtagana. Unsa man kining duha ka butang?

(1) . . . . .

(2) . . . . .

2-3-4-5. Aniy pipila ka mga bersikulo nga nasulat sa ubos. Susiha kining tanan ug isulat kon asa nga bukira sa atong dibuho kining maong mga panagna motukma.

(1) Salmo 69:21

(3) Salmo 2:4,5

(5) Isaias 53:4-6

(2) Salmo 22:29

(4) Miqueas 5:1

(6) Salmo 2:6-8

BUKID SA KALBARYO

BUKID SA GINGHARIAN

.....  
.....  
.....

6. Sa 1 Pedro 1:10 unsa man ang gisusi ug gipangita sa mga manalagna nga buot nilang mahibaloan? .....

.....

7. Unsa man ang ginaingon ni Apostol Pablo nga maoy gibuhad sa mga taga Berea aron sa pagsusi kon tinuod ba gayud ang mga butang nga giwali ngadto kanila? Mga Buhat 17:11 .....

.....

8. Unsa man ang gitinguha sa Dios dinhi kanato nga atong pagabuhaton aron masabtan nato ang Iyang Pulong? 2 Tim. 2:15 .....

.....

9. Ngano man kaha nga ang mga manalagna wala masayud ug managpakakita sa PANAHON SA GRASYA? Efeso 3:5; Colosas 1:26; Roma 16:25 .....

.....

10. Isulat nga SINAG-ULO ang Mga Buhat 17:11.

.....  
.....

**PAGSUBLI**

*Sa lain nga papel dibuhua ang hulagway sa MATAAS NGA DALAN SA KINABUHI gikan sa sinugdanan hangtud niining mao nga Pagtulon-an 17, lamang. (Humanon nimo kini ug isubmitar kauban niining mao nga pagtulon-an).*